



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-416-4/23**
Datum: **31.10.2023. godine**

«Agencija za vodno područje rijeke Save» Sarajevo rješavajući po zahtjevu poslovnog subjekta – fizičko lice Proizvodni obrt «ZMAJEVAC» vl. Delibašić Samir iz Kaknja za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent sa lokaliteta objekta klaonice zanatskog tipa sa preradom mesa u naselju Donji Kakanj, općina Kakanj, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Poslovnom subjektu – fizičkom licu Proizvodni obrt «ZMAJEVAC» vl. Delibašić Samir iz Kaknja daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent sa lokaliteta objekta klaonice zanatskog tipa sa preradom mesa u naselju Donji Kakanj, izgrađenog na zemljištu označenom kao k.č. broj: 1520/4 K.O. Tičići, općina Kakanj.
2. Ova vodna dozvola se odnosi isključivo za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent sa lokaliteta objekta definisanog tačkom 1. ovog Rješenja i ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarno-fekalnih otpadnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona, odnosno nadležna općinska služba u skladu sa članom 139. stav (2) tačka 1. i 2. i stav (3) Zakona o vodama.
3. Vodna dozvola se daje na osnovu pregleda dostavljene dokumentacije, uviđaja na objektu, utvrđenog činjeničnog stanja i uz sljedeće uslove:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da korisnik predmetnog objekta, za vrijeme trajanja ove dozvole izvede sve radove predviđene dostavljenom projektnom dokumentacijom, odnosno izvrši ugradnju separatora masti odgovarajućeg kapaciteta.
 - 3.3. Prečišćene tehnološke vode moraju ostati u maksimalno dopuštenim granicama definiranim u Prilogu 8. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.4. Da se praktikuje suho čišćenje radnih površina i opreme, prije pranja vodom, kako bi se smanjila količina otpadnih voda i teret zagađenja, a time i racionalno koristila voda.
 - 3.5. Da se vrši potpuno odvajanje krvi prilikom iskrvavljenja sistemom odvojenog prikupljanja, te da se klaonički otpad i krv skladišti u zato namijenjene posude do odvoza od strane ovlaštene firme sa kojom je potpisan ugovor.
 - 3.6. Da se nastalo đubrivo i osoka iz objekta za prijem stoke do klanja, redovno sakupljaju u odgovarajućoj vodonepropusno izvedenoj laguni, a koja će se periodično prazniti u svrhu đubrenja poljoprivrednog zemljišta.
 - 3.7. Da se spriječi nekontrolisano rasipanje tečnog i krutog otpada (osoka i đubrivo) po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse, a u cilju zaštite podzemnih i površinskih voda.
 - 3.8. Talog iz separatora masti se ne smije ni privremeno odlagati na česticu „vodno dobro“, odnosno u vodotoke i na njegove obale.
 - 3.9. Objekte čija je svrha odvođenje i prečišćavanje tehnoloških otpadnih voda treba redovno održavati i koristiti na način koji će obezbijediti njihovu potpunu ispravnost i funkcionalnost.
 - 3.10. Čišćenje i pražnjenje uređaja za tretman otpadnih voda, odnosno separatora masti može vršiti isključivo firma ovlaštena za tu vrstu djelatnosti, prema posebnom ugovoru.

Korisnik je obavezan da redovno vodi dnevnik o pražnjenju i odvozu sadržaja separatora masti i izdvojenom talogu iz separatora.

- 3.11. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- 3.12. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.13. Ne dozvoljava se odlaganje na otvorenom prostoru i unošenje opasnog i neopasnog otpada, koji nastaje kao nus produkt u procesu rada predmetnog objekta, u vodotoke i obale rijeka.
- 3.14. Investitor je obavezan pridržavati se svih mjera i uslova, propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 17. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ukoliko prilikom upotrebe predmetnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
10. U ovoj upravnoj stvari plaćene su sve upravne takse.
11. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 1 (jedne) godine od dana pravosnažnosti ovog rješenja
12. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
13. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Poslovni subjekat – fizičko lice Proizvodni obrt «ZMAJEVAC» vl. Delibašić Samir iz Kaknja, dana 26.09.2023., podnijelo je zahtjev za izdavanje vodne dozvole aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent sa lokaliteta objekta klaonice zanatskog tipa sa preradom mesa u naselju Donji Kakanj, izgrađenog na zemljištu označenom kao k.č. broj: 1520/4 K.O. Tičići, općina Kakanj.

U provedenom postupku dostavljena je i pregledana sljedeća dokumentacija:

- Kopija Ugovora o zakupu zaključen dana 14.04.2017. sa Zakupodavcem Delibašić Nezirom iz Kaknja,
- Kopija lične karte,
- Kopija Rješenja o izmjeni odobrenja za obavljanje obrta broj: 04/1-17-4985/22 od 19.12.2022. izdatog od Službe za privredu, urbanizam i zaštitu okoline Općine Kakanj,
- Kopija Uvjerjenja o registraciji/upisu u Jedinstveni registar obveznika indirektnih poreza broj: 04/1-17-1-UPJR/1-4170-2/17 od 17.07.2017. izdatog od Uprave za indirektno-neizravno oporezivanje Banja Luka,
- Kopija Uvjerjenja o poreznoj registraciji izdatog od Porezne uprave Federacije BiH-Kantonalni porezni ured Zenica od 25.04.2017.,
- Dokaz o uplaćenju upravnoj taksi,
- Kopija Rješenja o upotrebi građevine broj: 12-23-5377/06 od 08.01.2007. izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o ispunjavanju propisanih veterinarsko-zdravstvenih uslova (objekat za preradu mesa) broj: 05-20-3094-2/22 od 18.04.2022. izdatog od Ministarstva za poljoprivredu, šumarstvo i vodoprivredu Zeničko-dobojskog kantona,
- Kopija Rješenja o ispunjavanju propisanih veterinarsko-zdravstvenih uslova (objekat za klanje) broj: 05-20-3095-2/22 od 18.04.2022. izdatog od Ministarstva za poljoprivredu, šumarstvo i vodoprivredu Zeničko-dobojskog kantona,
- Kopija Potvrde broj: 12-23-9591/12 od 23.04.2012. izdate od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o vodnoj dozvoli broj: UP-I/25-3-40-379-4/18 od 28.09.2018. izdatog od «Agencije za vodno područje rijeke Save» Sarajevo,
- Kopija Ugovora o deponovanju animalnog otpada broj: 7514-5/17 od 18.09.2017. zaključenog sa JP «VODOKOM» d.o.o. Kakanj,
- Kopija Ugovora o poslovnoj saradnji za monitoring otpadnih voda broj: 25/21 od 24.05.2021. zaključenog sa «Inspekt-RGH» d.o.o. Sarajevo,
- Kopija Ugovora o pružanju usluga usluga veterinarsko-zdravstvenog pregleda za klaonicu broj: 707/21 zaključen dana 21.10.2021. sa BIO-VET d.o.o. Kakanj,
- Kopija Ugovora o pružanju usluga veterinarsko-zdravstvenog pregleda za preradu mesa broj: 708/21 zaključen dana 21.10.2021. sa BIO-VET d.o.o. Kakanj,
- Izvještaj o monitoringu kvaliteta i kvantiteta otpadnih voda proizvodnog obrta «ZMAJEVAC», broj: 289/23, mart 2023., urađen od «Inspekt-RGH» d.o.o. Sarajevo (na uvid),
- Tehnički elaborat o ispuštanju otpadnih voda sa lokacije poslovnog objekta klaonice sa preradom mesa Proizvodni obrt «ZMAJEVAC» u naselju Donji Kakanj, općina Kakanj, juni 2013., urađen od «ES HYDROTECHNICS» d.o.o. Sarajevo (na uvid),
- Projekat izvedenog stanja – dopune Glavnog projekta br. 25/02 od oktobra 2002., broj: 91/06 urađen od «ARHITEKT» d.o.o. Zenica (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-416-3/23 od 05.10.2023. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Objekat klaonice zanatskog tipa sa preradom mesa izgrađen je u naselju Donji Kakanj, općina Kakanj. Objekat se sastoji od prostora za smještaj i pripremu stoke za klanje sa dubrenkom, prostora za klanje stoke (klaonica), prostora za preradu mesa, pušnice. Projektovani krenutni kapacitet prerade je 10 grla krupne i 20 grla sitne stoke dnevno. Trenutno se prerađuje 1 grlo dnevno. Proizvode se suhomesnati proizvodi, oblikovano meso te svježe meso koji se plasiraju u porodičnoj mesnici.
- Tehnološke otpadne vode nastale od pranja opreme, prostora klaonice i prostora za preradu mesa prikupljaju se sistemom kanalizacije i odvođe do vodonepropusne septičke jame sa prelijevom u rijeku Bosnu.
- Krv se ne odvaja. Kože se ne sole i ne skladište na objektu. U roku od 48 sati se otpremaju na dalju preradu. Klaonički konfiskat se prikuplja u odgovarajućim posudama do konačnog zbrinjavanja od strane JP «VODOKOM» d.o.o. Kakanj a prema potpisanom Ugovoru.

- Dubrivo iz prostora za privremeni smještaj stoke se odlaže u vodnepropusnu dubrenku uz objekat za prijem stoke, a potom odvozi na poljoprivredne površine u vlasništvu Investitora,
- Snabdijevanje vodom za sanitarne i tehnološke potrebe obezbijedeno je putem priključka na gradsku vodovodnu mrežu kojom upravlja JP «VODOKOM» d.o.o. Kakanj. Sanitarno-fekalne otpadne vode, zajedno sa sanitarno-fekalnim otpadnim vodama iz stambenog objekta se prikupljaju u zasebnu septičku jamu.
- Oborinske vode sa krova i platoa se prikupljaju u sabirni šaht i ispuštaju u rijeku Bosnu. Na platou se vrši i pranje unutrašnjosti vozila.
- Monitoring otpadnih voda se vrši redovno. Na uvid je dat Izvještaj o monitoringu kvaliteta i kvantiteta otpadnih voda urađen od «Inspekt-RGH» d.o.o. Sarajevo, mart 2023.. Ispitivani parametri zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom, u tački 3. dispozitiva ovog Rješenja, propisani uslovi u skladu sa članom 115. do člana 118. Zakona o vodama („Službene novine Federacije BiH”, broj 70/06) i članom 12. i 13. Pravilnika o sadržaju, obliku, uslovima, načinu izdavanja i čuvanja vodnih akata.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07, 10/14 i 03/16).

Na osnovu provedenog postupka konstatuje se da je Poslovni subjekat – fizičko lice Proizvodni obrt «ZMAJEVAC» vl. Delibašić Samir iz Kakanja ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta i za ispuštanje tehnoloških otpadnih voda u prirodni recipijent u postupku rada objekta klaonice zanatskog tipa sa preradom mesa u naselju Donji Kakanj, općina Kakanj te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-416-2/23 od 03.10.2023.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta: Sanja Miličić, građ.ing.

Po ovlaštenju
Rukovodilac sektora za izdavanje vodnih akata


Haris Ališehović, dipl.inž.građ.

Dostaviti:

- Proizvodni obrt «ZMAJEVAC» vl. Delibašić Samir
Donji Kakanj bb, 72240 Kakanj
- AVP Sava, ISV-vodna knjiga
- sektor 50
- sektor 40 – arhiva
- oglasna ploča – AVP Sava